

ԳԱՄԻՐՔԻ ՀԱՅ ԱԶԳԱԲՆԱԿԱԶՈՒԹՅԱՆ
ՀԱՄԱԼՐՈՒՄԸ ՍԻՋՆԱԴԱՐՈՒՄ

Գամիրքը, ինչպես տեսանք, հնագույն ժամանակներից հանդիսացել է Թող-արմաների (արմենների) օրրանը, որը հետագայում եղել է նույնպես հայ ժողովրդի գոլացման, կազմավորման գլխավոր կենտրոններից մեկը: Այդ մասին է խոսում Ստրաբոնի այն վկայությունը, թե մինչև Անտիտավրոսի երկիրը բոլորը միալեզու՝ հայախոս զարձան¹: Հետաքրքրական է նաև Մ. Խորենացու թեև առասպելական, բայց որոշ հիմք ունեցող այն տեղեկությունը, որ Արամը գրավելով մինչև Կապադովկիա՝ Արզևոս (էրճիաս) լեռան շրջակայքը, հրամայում է իր Մշակ գորավարին այդ վայրում կառուցել դաստակերտ, ընդհանրին սովորեցնել հայերեն, որ նրա շինած բերդաքաղաքը՝ Մշակի անվան աղավաղումով, հույների կողմից կոչվում է Մաժաֆ, հետագայում՝ Կեսարիա: Այդ իսկ պատճառով, ավելացնում է Մ. Խորենացին, հույները այդ շրջանը կոչում էին «Պուտին Արմինիա», այսինքն՝ Առաջին Հայք²: Կապադովկիայի այդ մասը, այսինքն՝ Գամիրքը, Տիգրանի օրոք, թեև որոշ ժամանակ Հայաստանի մասն է կազմել, բայց հետագայում, Արշակունիների ժամանակ, նա վազուց դադարել էր, իրավապես, Հայաստանի մասը լինելուց: Այնուամենայնիվ, Գամիրքում գո-

յություն ունեն հայ ազգաբնակչություն, ինչպես նաև թագավորների որոշ ոստաններ³: Այստեղ տեղին է նշել մի հանգամանք, որ վաղ միջնադարում գերակայության պայքարը երր մտցվում էր դավանական հարցերի խողովակով և ժողովուրդների էթնիկ գիտակցությունը իր խանձարուրի մեջ էր գտնվում, բնակիչները, ընդ որում և հայերը, հատկապես հունադավան հայերը, դուրսով կարող էին ձուլվել Կապադովկիայում հետզհետե տիրող տարրի՝ հույների հետ: Մխիթար Ապարանցին, խոսելով ծալ Խաչի մասին, դրում է. «Եւ ոմանր կոչին Սաթ հայեր, որ լեզուով և գրով տղգաւ են հայք, բայց դաւանութեամբ և ամենայն օրինօք են հոյնք»⁴: Այսպես, նրանք հունադավան դառնալով, հետզհետե խզեցին հայ ազգաբնակչության հետ իրենց տղգային կուլտուրական բոլոր կապերը: Այս դրությունն իշխում էր 5—7-րդ դարերում, մինչև որ Գամիրքի հայ ազգաբնակչության մեջ նոր քանակ և որակ ստեղծեցին Հայաստանից այն գաղթերը, որոնք տեղի ունեցան 8-րդ դարի կեսերից մինչև 11-րդ դարի վերջերը, այսինքն՝ արարական արշավանքներից սկսած մինչև սելջուկյան թուրքերի ներխուժումը: Ճիշտ է, դրանից առաջ ևս

¹ Տճ՝ Ստրաբոն. XI, 14, 5 (528), Հմմտ. Հ. Մանուկյան, Քննական տեսություն հայ ժողովրդի պատմության, հատոր Ա., Երևան, 1945, էջ 116.

² Մ. Խորենացի, Պատմություն հայոց, Տիգրիս, 1913, էջ 46.

³ Տճ՝ K. Aslan, Etude historique sur le peuple armenien, Paris, 1909, էջ 138, 198; Diodoros, Bibl. Hist.

⁴ «Սաթ հայերի» մասին տճ՝ Մխիթար Ապարանցու գրածը Արշակունի «Հայապատում»-ում, էջ 550—553.

Հայաստանից ղեկի փոքր Ասիա տեղի էին ունեցել մի շարք մանր և մեծ զաղթեր, առևտրական կամ այլ շահութարեր զործերի և զինվորական ծառայությունների հրապույրներով, ինչպես նաև, բռնի կամ ստիպողական: Որինակ, 572 թ. պարսիկների դեմ հայերի ապստամբության պարտությունից հետո, Վարդան Մամիկոնյանը յուրայիններով զաղթում է Բյուզանդական երկիրը: Հուստինիանոս 2-րդը, 688 թվականին Հայաստանը նվաճելով, 8 հազար տուն հայեր Փոքր Ասիա և Թրակիա է տեղափոխում: Սակայն, մեր ուսումնասիրության նյութից դուրս է մնում ղեկի փոքր Ասիա տեղի ունեցած բոլոր հայկական զաղթերը: Այստեղ կիրոսի միայն հայերի այն երկու խոշոր ժողովրդական «զաղթերի» մասին, որոնք ամբողջությամբ տեղափոխվելով Գամիրբում, նոր կերպարանք տվին Գամիրբի հետագա էթնիկական կազմին:

Խախտան այդ զաղթերի մասին խոսելը, սրժե երկու խոսքով վերհիշել 4—5-րդ դդ. Հայաստանում տիրող դրության և բյուզանդացիների հեռավորագծ բաղաբականության մասին: Ինչպես հայտնի է, 387 թ., Բեռզորոսի և Շապուհ 2-րդի զաշնադրությամբ, Հայաստանը բաժանվում է երկու մասի: Բյուզանդացի իրենց բաժնի՝ Արևմտյան Հայաստանի վրա նշանակում են կոմս, իսկ Արևելյան Հայաստանում, սասանյանները 428 թ. հետո՝ մարդղան:

Չնայած Արշակունիների թագավորության վերացմանը, երկրի վարչական դրության մեջ որոշ ժամանակ փոփոխություններ տեղի չեն ունենում: Երկիրը իր երկու մասերումն էլ կառավարվում է բացառիկ վարչությամբ և տեղական օրենքներով, ալսինքն՝ հայ նախարարները ղեկե սահում էին իրենց տանուտիրական իրավունքները, իսկ եկեղեցական թեմերը ղեակով լտղմանում են՝ 4-ի փոխարեն, 5-րդ դարում, հասնում են 15-ի: Դա բացատրվում է նրանով, որ մարդպանության շրջանում հայ եկեղեցին ղեկես իր ձեռքին էր պահում երկրի գատական դործերը, միաժամանակ նաև երկրի բնակչության և ունեցվածքի հաշ-

վառման իրավունքը: Այսպիսով, պարսիկ տիրողների համար հայ ֆեոդալական եկեղեցին կարող էր մեծ ծառայություններ մատուցել, որի համար նա վաչելում էր նույնպես որոշ արտոնություններ:

Հետագայում իրերի դրությունը փոխվում է. բյուզանդացիք, Արևմտյան Հայաստանում ջնջելով տեղական օրենքները, սպառնում են նախարարների տանուտիրական իրավունքներին, հարկային և այլ միջոցներով ոչ միայն սկսում են հայերին կեղեքել, այլև ընդունել տալ քաղկեղոնականությունը: Սասանյանները իրենց հերթին Հայաստանի արեելյան մասում բռնի ուժով փորձում են պարտադրել զրադաշտականությունը, բանի որ այդ ժամանակներում հայ լուսավորչական եկեղեցին միաժամանակ ներկայացնում էր հայերի աղգային ղեմքը: Ուստի և հայերը, և մեկին և մյուսին պատասխանում են ղինված ապստամբություններով: Պարսկապատակ հայերը 451-ից, իսկ բյուզանդահպատակները՝ 475 թվականից մինչև 640 թվականը (մինչև արարական ներխուժումը), հաշված մանր և մեծ ապստամբությունները, իննանդամ ղենքի են ղիմել և ալելի բան վաթսուն տարի պայքարել են իրենց տիրակալների ղեմ, որի ընթացքում և հատկապես նրանից հետո հայերի զաղթը ղեկի Գամիրբ ղնալով մեծ շափերի է հասել:

Ա. ՀԱՅՆՐԻ ԳԱՂԹԸ ԴԵՊԻ ԿԱՄԻՐԲ

Հայերի զաղթերը ղեկի փոքր Ասիա և ղեկի Գամիրբ, որբան էլ Հայաստանում բյուզանդացիների, պարսիկների և արարների կողմից ղործված ալկրածությունների, հարստահարությունների, կեղեքումների հետևանք համարվեն, այնուամենայնիվ, ալդ զաղթերի պատճառներից ղլխավորը հանդիսանում էր բյուզանդական կայսրության նենղամիտ քաղաքականությունը: Բյուզանդական կայսրությունը մեկ կողմից հայերի ղիմաղրական ուժը թուլտցնելու համար ջանք էր թափում հայերի ոաղմական ուժը Հայաստանից հեռացնել, մյուս կողմից, արարական արշավանքների ղեմ պատվար ստեղծել, ալդ նույն հայերին բնակեցնելով Անտիտավրոսյան երկրում:

⁵ Մ. Չամչյանց, Պատմություն հայոց, Վենետիկ, 1785, հ. Բ., էջ 288:

⁶ Ստեփանես Տարոնացի (Ասողիկ), Տիեզերական պատմություն, գիրք 2, 1896, էջ 101:

Բյուզանդական կայսրությունը իր այդ քաղաքական պլանը իրագործելու համար, երբ հայերին Հայաստանում բազմապիսի միջոցներով, հարկային ծանր տուրքերով, քաղաքական սադրանքներով նեղում էր, մինչդեռ Փոքր Ասիայում ընդհանրապես, իսկ մասնավորապես Գամիրքում ապրող հայերին հողային, հարկային որոշ զիջումներ էր անում: Հույների հետ ունեցած իրենց կուլտուրական կապերի հետևանքով և հակառակ իրենց միջև եղած կրոնական վեճերին, հայերը իրենց հերթին, հաճախ պարսիկներից, արաբներից ավելի նախապատվություն էին տալիս բյուզանդացիներին:

Հայկական առաջին մեծ գաղթը դեպի Գամիրք, բաղկացած Պավլիկյան աղանդավոր, ապստամբ հայ դյուղացիներից, տեղի է ունենում 726 թվականին, ներկորդը՝ 1021 թվականից մինչև 1064 թ. Արծրունիների և Բագրատունիների գլխավորությամբ՝ Վասպուրականից, Անիից և Կարսից:

Պատմական Հայաստանի հողի վրա կոմսագներից Աղձնիք, 7-րդ դարի կեսերից ծնունդ առած աղանդավորական շարժումները, որոնք հայտնի էին պավլիկյանների շարժում անվան տակ, աշխարհիկ ֆեոդալների և հատկապես, հայ եկեղեցական ֆեոդալականության շահերին մեծ վնաս էին հասցնում, ներսես Տայեցի (Շինոզ) կաթողիկոսը, ղդալով ժողովրդի մեջ այդ նոր ուսմունքի լայն արձագանք գտնելու հնարավորությունները, ուստի և, եկեղեցու շահերին հասցվելիք վնասները, 655 թվականին գիմում է աշխարհական իշխանության դատաստանին, որ նրանց նախատր խարանելով երկրից դուրս արտաքսեն: «...Հալսածեաց զամենայն աղանդաւորսն ի ձեռս իշխանաց. նաև զոմանս ի նոցանէ շանթիւ դրոշմեալ ի ճակատս խայաառակութեամբ արտաքսեաց ի վիճակէ իւրմէս¹. Արաաքսաված աղանդավորները, ինչպես դրում է Հովհ. Օձնեցին, հաստատվում են Զրկա կամ Զրիկ կոչված գեղատեսիլ մի լճակի մոտ²:

¹ Տե՛ս Մ. Չամչյան, Պատմություն Հայոց, Վեներիկ, հ. Բ., 1785, էջ 357:

² Յովհ. Օձնեցույ, Մատենագրութիւնք, Վենետիկ, 1953, էջ 51, Հայ պատմագրության մեջ Զրկա կամ Զրիկի նույնացումը նիփրկերտի (Մուֆարդին) հետ սխալ է. նիփրկերտի մոտ մի գեղատեսիլ լճակի գոյությունը և ոչ էլ նրա բյուզանդական և արաբական

Այդտեղ՝ Դերսիմի լեռների ստորոտն են գալիս Հայաստանից և Բյուզանդական հողերից արտաքսված պավլիկյան աղանդավորները, ինչպես նաև. մեծամասնությամբ վանքապատկան հողերից փախուստ տված շինականները: Եվ այդ վայրում, 7-րդ դարի 50-ական թվականներին նրանց կողմից կազմվում են անկախ «աշխարհիկ համայնքներ»: Այդ համայնքները, իրենց թվով և գործունեությամբ դառնում են ալքան նշանավոր, որ հայ ֆեոդալների, հատկապես եկեղեցական իշխանավորների նախանձն են շարժում: Այդ իսկ պատճառով է, որ 726 թ. ոստիկան Վլիթի ուժերի աջակցությամբ, նրանք պավլիկյանների վրա հարձակում գործելով, վերջիններիս վտարում են Ծփրատի արևմտյան կողմը՝ Անտիտավրոսյան երկիրը:

Բյուզանդական պետությունը, որոշ քաղաքական նպատակներով, պավլիկյաններին տեղավորում է հենց Գամիրք գավառում: Նրանք բնակություն են հաստատում այդ շրջանում արդեն գոյություն ունեցող երեք բերդերի շուրջը՝ Տիփրիկիայի (Տիվրիկ—Վ. Բ.), Արարիկիի և Կյուրիկի մոտ, որոնք երեքը միասին կոչվում են «նուսուլալա» կամ «Տրիպոլիս»³: Այսպիսով, հայերը Գամիրքում դեռ 8-րդ դարի վերջերից մեծ թիվ և կոմպակտ ազգաբնակչություն էին կազմում: Այդ մասին է խոսում նաև այն հանդամանքը, որ 9-րդ դարի սկզբին՝ պավլիկյանների երկու ֆրակցիաների դեկավարները հայեր էին: Առաջին ֆրակցիային պատկանող հաստատայաններինը՝ Սերպիոս (Սարգիս) էր կոչվում, իսկ «Կյուրոխորիտ» ֆրակցիայի ղեկավարը՝ Վահան⁴:

Այնուամենայնիվ, պետք է նշել, որ Թեոդորոս կայսրուհու (842 թ.) պավլիկյանների դեմ սկսած հալածունքների և Վասիլ Ա-ի (872 թ.) տարած հաղթության հետև-

սահմանադրված գտնվելը այդ նույնացումը չեն արդարացնում, նախ Զրկան կամ Զրիկը լիճ չէ, այլ Մունձուրի (Տերոիմ) լեռներին կոթնած մի ավան, նիփրկերտը Տերսիմի լեռներից դեպի հարավ րավական հեռու է գտնվում: Ամենահավանականը լեկիկ է, որը գտնվում է Վերին Ծփրատի ձախ ափին, Տիվրիկի, այսինքն՝ պավլիկյանների հետագա գլխավոր կենտրոնի ճիշտ դիմացը՝ Տերսիմի փեշերին:

³ Առաջիկ Ալեքսանդրյան, Պատմություն հայ գաղթականության, Կահիրե, 1941, էջ 275:

⁴ Հմմտ. Липшиц Е. Ә., Византийский Временик, 1952, V, стр. 55.

վանքով, նրանց մի մասը ջարդվում, մյուս մասն էլ բռնի թրակիա են գաղթեցվում։ Ուստի, հայ ազգաբնակչությունը Գամիր-բում համեմատաբար նվազում է։ Այնուամենայնիվ հետագայում, դեռևս նախքան Վասպուրականից՝ Արծրունիների, Անիից, Կարսից՝ Բագրատունիների գաղթը, 985 թվականին Գամիրբի հայ ազգաբնակչու-թյունը (լուսավորչականներ) պետք է, որ ուռչ թվական կարևորություն ստացած լի-նեք, որպեսզի հաշիվ Ա. կաթողիկոսին հա-ջողվեր Բյուզանդիայից արտոնություն ըս-տանալ՝ երկու առաջնորդարան (Եպիսկոպո-սական աստիճանով) ունենալու, մեկը՝ Սե-րտստիայում, մյուսը՝ Լարիսայում (Վիրան շահիր)։

Վասպուրականից՝ Արծրունիների, Անի-ից, Կարսից՝ Բագրատունիների Գամիրբ գաղթումով, հայերը այդ երկրամասում կազմում են ազգաբնակչության գերիշխող աարրը։ Հայ ֆեոդալները բնակություն հաս-տատելով Գամիրբում, կազմում են հայկա-կան կախյալ իշխանություններ։ Սենեքերիմ Արծրունին հաստատվում է Հալիս գետի վե-րին հովտում, մինչև նրա ծունկը և Վերին Լիփրաաի աջ ափին՝ կենտրոն ունենալով Սերաստիա բազարը։ Այլ խոսքով Ս. Արծ-րունին իշխում է Սեբաստիա քաղաքից մինչև Կեստրիա և Սեբաստիայից մինչև Արաբկիր ձգվող ողջ տարածության վրա։ Աշոտ թագավորի որդի Գաղիկ Բագրատու-նուն, 1045 թ. արվում է Կեսարիայից մին-չև Անտիտավրոսյան լեռների միջև ընկած Լերիքումսար (գլխավոր կենտրոն ունենալով Բիդուն), իսկ Կարսում իշխող Աբրահի որդի Գաղիկին՝ Մամնդավից (Չամանթիից) մին-չև հավատանքի (Կյուրին) շրջանները։

Գամիրբը, այդ ժամանակներում դառ-նում է նաև կաթողիկոսանիստ վայր։ Այս-պես, Անիի գրավումից հետո, Պետրոս Գե-տադարձ կաթողիկոսը տեղափոխվում է Սե-բաստիա քաղաքը՝ Արծրունիների մոտ⁵, իսկ Գրիգորիս Վկայասեր կաթողիկոսը (Գրիգոր Մագիստրոսի որդի Վահրամը), որն օծվում է Մամնդավում՝ Աբրահի որդի Գաղիկի պա-

լատում, հետագայում ապաստան է դը-նում Մուսուլուասանում՝ Գուրգենի որդի Գա-գիկի մոտ։

Այս բոլորը վկայում են, որ այդ ժամա-նակ արդեն Գամիրբը գիտվում էր որպես հավական գլխավոր կենտրոններից մեկը։

Հարկավոր է սակայն անդրադառնալ հայ պատմագրության մեջ տեղ զտած մի շարք տարակարծությունների քննությանը, որոնք ընդհանրապես վերաբերում են Արծ-րունիների, Բագրատունիների գաղթի թվա-կանի, պատճառների, ինչպես նաև նրանց զրադեցրած վայրերի և հարակից այլ հար-ցերին։

Հայ պատմագրության մեջ տիրապետող կարծիքն այն է, որ Սենեքերիմ Արծրունին սելջուկյան արշավանքներից վախենալով, իր որդու՝ Դավթի միջոցով Վասիլից իւրնդ-րում է Վասպուրականը փոխանակել Սե-բաստիայի հետ։ Այդ թյուր կարծիքը այն-քան էր տիրապետող դարձել, որ նույնիսկ իրիմյան հայրիկը Սենեքերիմ Արծրունու բնկորները Վարագա վանքի եկեղեցում մը-նալու ոչ արժանի համարելով, նրա աճյունը հանել տալով թաղել է տալիս հասարակած գերեզմանում⁶։ Սակայն պատմական դեպ-քերի ուսումնասիրությունը ցույց է տալիս, որ 11-րդ դարի առաջին քառորդի սկզբնե-րին սելջուկների՝ Ատրպատականի Դելլեմ ցեղի և Միջին Ասիայից թափանցող թուրք և թուրքմեն ցեղապետների սովորական աս-պատակությունները, Վասպուրականը թող-նելու աստիճան վտանգ չէին ներկայաց-նում։ Ինչ վերաբերում է Մատթեոս Ուոհա-յեցու այն հավաստիացմանը, թե Սենեքերիմ Արծրունու որդին՝ Դավթը, Վասպուրականի փոխանակության համար մեծ նվերներով Կոստանդնուպոլիս է գնացել և արժանա-ցել Վասիլի սիրալիր ընդունելությանը։ Հիմք կա ենթադրելու, որ դա նույնպես ճիշտ չէ, որովհետև, ըստ պատմական փաս-տերի, Վասիլը 1020-ական թվականներին դեռևս գտնվում էր Վրաստանում և պատե-րազմում էր վիրա-արխազական թագավո-րության դեմ։ Նա բուլղարների հետ հա-շիվը մաքրելուց հետո միայն կարողացավ

⁵ Ա. Աղեմաեյրյան, Պատմություն ականավոր քաղաքին Սեբաստիա, Վենետիկ, 1911։

⁶ Վարդան Բաղդրեղյցի, Պատմութիւն տիեզե-րական, Մոսկվա, 1861, էջ 132։

⁷ Հմմտ. Վարդան Բաղդրեղյցի, Պատմութիւն տիեզերական, Մոսկվա, 1861, էջ 131, և Սմբատ Սպարապետ, Պատմութիւն, Մոսկվա, 1866, էջ 63։

⁸ Բանաստեղծ Կարապետ Սիտալի հաղորդումից։

դբաղվել հայերի հարցով և 1017 թվից հետո սկսեց ձեռնամուխ լինել իր վաղեմի ծրագրի կենսագործմանը՝ ոչնչացնել հայ և վրաց պետական կաղմակերպությունները: Այդ կապակցությամբ է, որ կայսրը 1020 թ. Տրապիզոն է հրավիրում Սենեքերիմի որդի Դավթին. Վասպուրականը Սեբաստիայի հետ փոխանակելու պայմանների մասին բանակցելու համար:

Վասպուրականի թագավոր Սենեքերիմ Արծրունին, հակառակ իր կամքի, թողնում է իր երկիրը: Որպես ապացույց կարելի է հիշատակել թեկուզ այն փաստը, որ Սենեքերիմ Արծրունին իր կտակում հիշատակում է, որ իր մահից հետո իր մարմինը փոխադրեն Վանի ս. Նշան վարագա վանքը: Լենեքերիմ Արծրունու այդ բաղձանքը նույնիսկ իր արտահայտությունն է դտել Վասպուրականի ժողովրդական ստեղծագործության մեջ:

Կտակ թողի իմ որդվոց
Զիս մի թաղել օտար վայր.
Այլ ի ոտանց Վարագա
Որի ի սեր վառյալ կամ:

Համենայն գեպս, բյուզանդական կայսրությունը ստանում է 72 բերդ, 8 քաղաք, 400 պուղ և 115 վանք, դրանց փոխարեն առնով Սեբաստիան իր մերձակա երկու քաղաքներով՝ Լարիսս և Ավարա կամ Ամարա:

Հայ պատմագրության մեջ նկատվող տարակարծությունը զաղթողների թվի ու Սենեքերիմի ստացած վայրերի մասին տուաջ են դալիս մի քանի հանգամանքներից: Այս միջնադարյան պատմագիրները դանադանություն չեն գրել Սենեքերիմի ստացած ժառանգական կալվածքների և, որպես Կապոկվիայի կուսակալ, նրա տրամադրության տակ զրված հողերի միջև, իսկ օտար պատմագրներից ոմանք հիշատակել են և մեկը և մյուսը՝ Օրինակ, շատերի համար անծանոթ է եղել Մուտառասունում մի ավաստների՝ Գուրգենի որդի Գագիկի գոյությունը, որի մասին խոսում է Ուտհայեցին, նա գրում է. «... և տէր—Գրիգորիսն եկեալ բնակեցաւ ի Մուտառասուն առ Գագիկ որդի

Գուրգենայ»: Մինչդեռ Մուտառասունի վայրը և Գուրգենի որդի Գագիկ ավատատերի անունը անծանոթ է ինչպես Օրմանյանին, այնպես էլ ուրիշներին: Այս մասին Օրմանյանը գրում է. «...բայց դժբախտաբար ոչ ցուցված տեղը ծանոթ է և ոչ Գագիկ Գուրգենյան մը կձանչցվի, կաթոհիկոսին հովանավոր ըլլալու կարող»: Եթե նկատի ունենանք Սենեքերիմի՝ Կապոկվիայի կուսակալ լինելու հանգամանքը, որ պարզապես հիշատակված է Կեզրենոսի մոտ, թե հույները Սենեքերիմին անվանում էին Պատրիկ և Զորավար Կապոկվիայի, ապա, հասկանալի կարող է դառնալ հարցը, բանի որ Սենեքերիմը որպես կուսակալ կարող էր իր իշխանության սահմաններում տեղավորել փոքր վասալներ, ինչպես իր եղբորորդիներին՝ Դերենիկին, Գագիկին և Աշոտին: Գուցե և այս պատճառով է, որ հայերը Սենեքերիմին «Թագավոր» են անվանել, քանի որ նա իր իշխանության տակ զրված հողերում ունեցել է իրեն եկամտավասալներ:

Իսկ ինչ վերաբերում է Գուրգենի որդի Գագիկին, ապա այս վերջինս հայտնի է վարդան պատմիչի հետևյալ հիշատակությունից. «Վասպուրականի թագավորն յազդէն Սենեքերիմայ Գագիկ՝ որդի Դերենկան, սա շինեաց ղԱխթամար. ապա Դերենիկ՝ որդի նորա Աբուռահայ, և յետ նորա Շահնշահ՝ որդի նորա. և ղկնի եղբայր նորա Գուրգեն, և ապա եղբայր նորա Սենեքերիմ, որ նեղեալ ի Պարսից՝ ետ ղերկիր իւր ի Վասիլ և շողաւ ի Սերաստիա չորս որդւովր, որոց անուանր Դավիթ, Արուսահայ, Սառմ և Կոսաանդին, և եղբոր որդիին՝ Դերենիկ, Գագիկ և Աշոտ—և առնու լիոխան ղՍեաստ և ղԼարիս և յոլով Պոասախնս»¹⁰:

Վարդանի վերոհիշյալ հիշատակությունից հաստատվում է, որ Գագիկը եղել է Սենեքերիմի եղբոր՝ Գուրգենի որդին, և հետևաբար, որպես ավատ ստացել է Մուտա-

¹⁰ Ը. Ուտհայեցի, Ժամանակագրություն, ս. Վասպուրական, 1898, էջ 206:

¹¹ Մ. Օրմանյան, Աղղապատում, Ա. հատ., Կ. Պոլս, 1912, էջ 1288:

¹² Thieophanis continuatus, cedrenus, corpus scriptorum Historiae Byzantinae, Bonnæ, 1838, էջ 464:

¹³ Վարդան Քարթլեւցի, Պատմութիւն տիեզերական, Մոսկվա, 1861, էջ 124—125:

Բանաստեղծ Կարապետ Սիտալի հաղորդումից:

աստուներ, որի մոտ 1070-ական թվականներին ապաստանում է Գրիգորիս Վկայասեր կաթողիկոսը: Մուտառասունը գտնվում է այնպիսի մի վայրում¹⁴, որի շրջակայքում մինչև 18-րդ դարի վերջերը դեռևս կային բազմաթիվ հայ գյուղեր, ինչպես Կոմյուրբեն (Գամիրբան), Խնձորի և այլն (այս վերջինը գտնվում է Մուտառասունից 6 կմ հեռու):

Համաձայն պատմական տվյալների, ենթադրվում է, որ Սենեքերիմի եղբորորդիներից Դերենիկը և Աշոտը, որպես ավատ, պետք է ստացած լինեն Սերաստիայից դեպի հարավ-արևելք գտնվող ջրարբի հողերը, որտեղ կառուցում են Մարընտունիկ, Արարկիր և Աշոտի ավանները, իսկ հետագայում Անիից, Կարսից եկած զաղթականությունը կառուցում է բազմաթիվ հայ գյուղեր՝ Արեղանոց, Ազրակ, Բաղմաշեն, Ապրանք, Փշատի, Ուտեկ, Ավերակ, Միջին գյուղ, Պարտիզակ, Աբստոնս, Հեղետար, Խասկալ, Մեծ և Փոքր Վարդենիք, Փետրական, Խնձոր, Սերկելի, Տանձիկ, Կծու, Դրենիկ, Վանկուկ, Գանսար, Պարտձոր, Հացտեսի, Աշոտկա, Բակեր, Զար, Գլակ և այլն:

Ինչպես հիշյալ գյուղերի, նույնպես և Աշոտի մեծ ավանի անունները ստուգաբանության հարկ չեն զգում: Ինչ վերաբերում է Աշոտի և Աշոտկա գյուղերին, ապա շատ հավանական է, որ դրանք կառուցված լինեն հենց Սենեքերիմի եղբոր որդի Աշոտի կողմից և կամ նրա հիշատակին, իսկ Բինկյանի մոտ Ջենեքեր գյուղը՝ Անեքերիմ արքայի անվամբ: Մարընտունիկը թերևս աղավաղված մի ձև է մայր-ընտանիքին կամ մայր-ընդ-տանին, որ նշանակում է Վասպուրականի կողմից եկած իշխանական տոհմի մարդկանց բնակավայր: Հետագայում Մարնտունիկը Անիից, Կարսից և այլ տեղերից եկած զաղթականություններով մեծանալով հասնում է մինչև «Քարանձավ» զղեկին՝ Ակն կոչեցեալ, որի հետևանքով Մարընտունիկը անվանվում է Ակն կամ քուրմեհեհն՝ էկին: Այս մասին կան որոշ փաստաթղթեր՝ դրված օսմանյան թագավորների կողմից, որտեղ Ակնի վայրը հի-

շատակվում է Մարընտունիկ Գազսըր անվան տակ: Այս բոլորը հաստատում է, որ Արծրունիների իշխանական տոհմի մի շառավիղը հաստատվել է այդ վայրերում:

Ինչպես ասվեց, Սենեքերիմի հետ զաղթող մարդկանց թվի մասին ևս կան տարբեր կարծիքներ. այսպես, օրինակ՝ Վասպուրականից զաղթողների թիվը ոմանք բարձրացնում են մինչև 400 հազարի: Մենք եկատի ունենալով Վասպուրականի բնակչության թիվը և հայերի ձեռքին մնացած վանքերի թիվը, ճիշտ ենք համարում թուվմա Արծրունու տված տեղեկությունները, թե «Սենեքերիմի թուին հայկազնեան տոմարին նշ (1021 թ.), և դեմ եղեալ զնացին յաշխարհն Յունաց ԺԴԴ (14,000) արամբը, թող զկանայս և մանկութս»¹⁵, այսինքն՝ չհաշված կանանց և երեխաներին, այդ մարդիկ միայն ըստ Արծրունու կազմել են 14,000 հոգի, ուստի կանանց և երեխաներին միասին հաշված, Վասպուրականից շուրջ 40 հազար հոգի են զաղթել և հաստատվել Սերաստիայի գավառը:

Ինչպես հայտնի է, բյուզանդական կայսրը Կոստանդին Մոնոմախին 1044 թ. հաջողվում է Գաղիկ թագավորին խաբուրթյամբ հրավիրել Կ. Պոլիս և զրավել Անին, որից հետո Անիի փոխարեն Գաղիկին տրվում են հողեր Կապադովկիայում, Խարսիանեսում, Լիկանզոսում, Կալոնպաղատում և Բիզուտում¹⁷: Թեև չի կարելի միայն այսքանով թեկուզ և որոշ զաղափար կազմել այդ վայրերի ճշգրիտ տեղագրության մասին, բայց միջնադարյան հայ պատմագրերի տվյալներից ելնելով, կարելի է հաստատապես ասել, որ դրանց գլխավոր մասը գրտնրվում էր Արգեսոս լեռից դեպի Զամանթի գետի շրջանը:

Հայ պատմագրության մեջ Բիզուի վայրի մասին բազմաթիվ կարծիքներ կան՝ թերևս և դեմ: Չնայած այն բանին, որ 11-րդ դարում Բիզուի մասին բազմաթիվ հիշատակություններ կան, բայց որպես քաղաք՝ նրա վայրը մինչև այժմ չի որոշված: Հայտնի է

¹⁵ Հմմտ. Յ. Կ. Ճանիկյան, Հնութիւնք Ակնադ, Թիֆլիս, 1895, էջ 14, և Ա. Քելչյան, Ակն և ակնցիք, հատոր Ա, Պուրբեշ, 1940, էջ 12—13:

¹⁶ Թ. Արծրունի, Պատմութիւն տանն Արծրունեաց, Թիֆլիս, 1917:

¹⁷ Schlumberger, L'Épopée Byzantine, Tome III, Paris, էջ 489:

¹⁴ Մուտառասունը այժմ թուրքմենական մի փոքր գյուղ է և գտնվում է Կեմերեկից 13 կմ հեռավորության վրա դեպի Բունարաշի (Ազիզյե) տանող հանապարհին:

միայն, որ Բիզուն իր մերձակա Կալուն-սյաղատ դղյակով եղել է Գագիկի գլխավոր ոստանը: Հայ և օտար պատմագիրները Բիզունի վայրը դնում են Տավրոսյան լեռների մեջ, Կեսարիայի արևելյան կողմը, Մամբեղավ կամ այժմյան Զամանթի գետի մոտերքում: Մենք հավանական ենք համարում այդ ենթադրությունը, որովհետև Գամիրբի այդ շրջանում կան 60—70, մեծ մասամբ, հայաբնակ գյուղեր, որ կոչվում են Բոզուկի գյուղեր: Ըստ Տ. Պալյանի, Բիզուն, նախ՝ Էղել է Բիզուկ և ապա, ժողովրդական լեզվի սկզբնաղավաղվելով, դարձել է Բոզուկ¹⁸: Այդ շրջանում է գտնվում նաև Թումարզա հայկական գյուղը, որը թուրքական կառավարության մոտ արձանագրված է Կյոստերև նահիսի¹⁹ հին անունով՝ այսինքն Կիզիստ-րա: Այսպիսով, հայտնի է դառնում Գագիկի գլխավոր կենտրոնի վայրը:

Կարսի իշխան Արթասի որդի Գագիկը նույնպես 1064 թվականին ստիպված է լինում իր փոքրիկ թագավորության հողերը թողնել բյուզանդական կայսրությանը և դերանց փոխարեն ստանալ Մամեղավը (Զամանթի): Այսպիսով, 40 տարիների երկարատև պայքարից հետո միայն Վասիլ 2-րդի հաջորդներին հաջողվում է ջլատել հայերի դիմադրական ուժը և իրագործել բյուզանդական կայսրության Հուստինիանոսյան վաղեմի ծրագիրը:

Կարսի թագավոր Գալիկի ստացած հույերի մասին ևս, միջնադարյան հեղինակների մոտ կան տարակարծություններ: Օրինակ՝ Մ. Ունհայեցին գրում է. «Թողալ Գալիկ Վարս և գնաց ի Հոռոմս և թագաւորն Տուկիժ տայր նմա դՄամեղաւ. և անդ եկեալ Գագիկ աղատսք իւրովք և թողեալ գտունն հայրենեակց իւրոց»²⁰:

Սմրատը սրա վրա ավելացնում է Կեսարիան և հավատանքը²¹ (Կյուրունը), իսկ Վարդանը 100 դուզ ավելացնելով, հիշատակում է նաև 4 քաղաքների անուններ՝ Մամեղավ, Լարիսա, Ամասիա և Կոմանա²²:

¹⁸ Տ. Պալյան, Հայ վանորայք, էջ 125—126:

¹⁹ Հակոբ Արղիստանյան, Էվերեկի պատմությունը, Ա. գիրք, Կահիրե, 1935, էջ 24:

²⁰ Մ. Ունհայեցի, Ժամանակագրություն, Վաղարշապատ, 1898, էջ 151:

²¹ Սմրատայ Սպարապետի Պատմություն, Մոսկվա, 1856, 762—63:

²² Վարդան Բաժբերդյան, Պատմություն տիեզերական, Մոսկվա, 1861, էջ 136—137:

Այստեղ Ամասիայի հիշատակումը Վարդանի պատմության ընդօրինակության մի խալ կարելի է համարել: Նկատի ունենալով Մամեղավից մինչև Ամասիայի մեջ ընկած տարածության ընդարձակությունը, անհավանական է. որ բյուզանդական կայսրությունը Ամասիայի նման սահմանագլխից հեռու և մեծամասնությամբ հույն բնակչություն ունեցող մի քաղաք թողներ Գագիկ թագավորին: Երկրորդ, Անի քաղաքը սկզբնական կողմից գրավելուց հետո, Կարսը գտնվում էր նրանց հարձակման սպառնալիքի տակ, որի պատճառով թագավորը հարկադրված թողնում է իր թագավորությունը, հետևաբար և նրա կողմից բնակավայրի ընտրության խնդիր չէր կարող լինել: Երրորդ՝ պատմականորեն հիշտ է նաև, որ Փոքր Ասիայում գոյություն է ունեցել երկու կոմանա. մեկը՝ Կոմանա Պոնտոսի (այժմյան Խոզաթի մոտ Կյումենեկ կոչված գյուղի մոտ), մյուսը՝ Կոմանա Կապադովկիայի, որի ավերակները գտնվում են Հաճրեի և Կոկիսոնի (Գյոթ-սու) միջև, հեղ Շարգերե (Սարգերե) կոչված վայրում: Եթե ընդունենք, որ Վարդանի հիշատակած Կոմանան, Կապադովկիայի Կոմանան է, ինչ որ շատ հավանական է, այն ժամանակ շուրջ քաղաքներից երեքը՝ Մամեղավ, Լարիսա (Վերեն Շահիր), Կոմանա ամփոփվում են Ույուն-յայլայի միևնույն շրջանակի մեջ: Իսկ Ամասիայի հիշատակությունը, ինչպես հիշտ ենթադրում է Արշակ Արաբյանը, պիտի լինի Ամարայի կամ Ավարայի սիրտը ընթերցումից: Ամարան, ինչպես հայտնի է, դոյություն է ունեցել Գամիրբում, քանի որ հիշատակվում է Խեոֆանեսի ժամանակագրության Շարունակողի մոտ, որպես պավլիկյանների կառուցած քաղաքներից մեկը²³:

Այսպես, Վասպուրականի, Անիի և Կարսի հայ իշխաններին թույլատրվում է հաստատվել Անտիտավրոսյան երկրի այն հողերում, որոնք արար էմիրների կողմից ենթակա էին մշտական հարձակման:

Գամիրբը 11-րդ դարում զբաղեցրած ամրոցությունը բնակեցված էր հայերով. այնպես որ 1097 թ., երբ իսլամիկները Փոքր Ասիայի Հերակլե (այժմյան Էրեյի) քաղաքից անցնում են Կեսարիայի շրջանները, տեսնում են, որ այդ վայրերի բնակչությունը

²³ Théophanés Continuatus, Corpus scriptorum Historiae Byzantinae, Bonnæ, 1839, էջ 100:

մեծ մասամբ հայեր են, որի պատճառով այդ երկիրը նրանք անվանում են *Hermioniorum terra* («Հերմոնիորում տերրա»), այսինքն՝ հայկական երկիր²⁴։

Բյուզանդական կայսրությանը թեև հաջողվում է նենգություն Լայաստանը մասամբ դատարկել հայերից, բայց նրան չի հաջողվում հատկապես 11-րդ դարում Գամիրք տեղափոխված հայերին ամբողջությամբ հունադավան դարձնել։ Եվ շնայած հույն մետրոպոլիտը խղճի ազատության դեմ դանազան արդեւքներ է հարուցում (հայ եկեղեցիներում արդելում է զանգահարությունը, հայկական ծիսակատարությունը), սակայն նրան այնպես էլ չի հաջողվում Սեբաստիայում և Լարիսայում հաստատված (985 թ.) հայ եպիսկոպոսությունները ջնջել։ Պետք չէ մոռանալ, որ վաղ միջնադարում տասնյակ հազարավոր հայեր Փոքր Ասիայում բյուզանդացիների կողմից այդ նույն բաղադրականության հետևանքով կորցնելով իրենց աղդային հատկանիշները, ձուլվել են հույների հետ։ Այս մասին են վկայում Ալեքսանդրական հռոմ-հայերի (հունադավան) այն 6 դուղերը՝ Վան, Ջորակ, Շրդու, Մուշեղկա, Հոդուս և Մամասա²⁵, որոնք հայ ժողովրդի հետ վաղուց խղել էին իրենց աղպային կապերը։

Բյուզանդական կայսրությունը, եթե հանձինս հունադավան հայերի իր համար փնտրում էր հյուսիս կամակատարներ, ապա հույն եկեղեցին նոր ծխերով իր եկամտի աղբյուրներն էր ավելացնում։ Իսկ հույն կալվածատերերը հողի — պրոնիաներին կապված ճորտերի՝ պտրիկոսների թիվն էին բաղմապատկում։

Գամիրքի հայերը հակառակ բաղմապատկի հալածանքներին ու սպառնալիքներին, 1080 թվին Ռուբենի ղլխավորությամբ կարողանում են հույներից գրավել Գամիրքի սահմանում՝ Լեոնային Կիլիկիայում գտնվող վահալու բերդը և հիմք դնել մի ինքնավար մարզի։ Այսպիսով, բյուզանդացիների հաշիվները սխալ են դուրս դալիս։ Մինչդեռ նրանք հայերին Գամիրք փոխադրելով ցանկանում էին արարների դեմ օգտագործել

իրեն պատվար, հայերը Կիլիկյան իշխանության հիմքն են դնում այնպիսի մի վայրում, որտեղից պետք է անցնեին բոլոր առևտրական քարավանները, որով, անշուշտ, վնասում էին նաև բյուզանդական կայսրության տնտեսական շահերը։ Այսպիսով, Գամիրքը 11-րդ դարում դարձել էր հայկական այն գլխավոր կենտրոնը, որտեղ խմորվեցին Կիլիկիայի հայկական իշխանության առաջին սաղմերը։

Ռ. ԲՆԱԿԱՎԱՅՐԵՐ

(Տեղագրություն և վիճակագրություն)

Գամիրքը հյուսիսից և հյուսիս-արևելից, համարյա ամբողջությամբ, շրջապատված է Հալիս գետի (Գրգրլ րումագ) հովիտով։ Արևելքից որպես սահման ունի վերին Եփրատը, մինչև հին Մալաթիա քաղաքի հյուսիսային կողմը, Ակն ու Արտրկիրը ներառյալ, հարավից՝ Բոհմա-սու (Սելասդեք), Գարենտայի և Կյուրիների զավառակները, իսկ արևմուտքից՝ Պողադյանից մինչև Արգեոսի (Էրճիաս լեռ) շրջանները։ Հետևաբար այս եռանկյունաձև հրկրամասը իր մեջ ընդգրկում է Սեբաստիա գավառի (Սվադ) ինը գավառակներից՝ յոթը, հարբերգի նահանգից Ակն և Արարկիր քաղաքները իրենց շրջակայքով, ինչպես նաև Կեսարիա գավառակի հյուսիս-արևելյան ու հարավ-արևելյան շրջանները։

Գամիրքի գլխավոր քաղաքներն են՝ Սեբաստիան, Կեսարիան, Կյուրիներ, Արարկիր, Ակներ, իսկ հայաշատ գյուղաքաղաքներից Կեմերեկը (Գամրակ), Տիվրիկը և Դարենտեն։

Սեբաստիան, որն այժմ կոչվում է Սվադ, կառուցված է Հալիսի աջ ափին, զրանից կես ժամվա ճանապարհ հեռու, մի ընդարձակ հովտի մեջ, քաղաքը հին ժամանակներում կոչվել է Կարիրա, այն բերդի անունով, որ գոյություն ուներ Պոնտոսի թագավորության ժամանակ։ Պոմպեոսը այն անվանեց Դիոպոլիս, այսինքն՝ Յուպիտեր աստծու քաղաք, ի պատիվ այդ վայրում հռոմեական զորքերի կողմից Միհրդատի դեմ տարած հաղթանակի։ Սակայն, Պոնտոսի թագուհին՝ Պիթոգարիսը, որը բնակվում էր Կարիրայում, այն վերանվանեց

²⁴ J. Laurent, Byzance et les turcs, Paris, էջ 71 և Etienne de Blois, Lettres, 2. Hep. 150.

²⁵ Ա. Քելաե, Ակն և ակնցիք, հ. Ա., Պուրբը, 1940, էջ 10:

Սեբաստ (հունարեն Սեբաստոս) ի պատիվ Օգոստոս կայսեր: Հայերենում Սեբաստի արմատը Սեբ-ի տառադարձությամբ, եղել է Սեւաստ: Հետագայում Սեւաստ անունը թուրքերենում աղավաղվելով, դառնում է Սվադ կամ Սիվադ:

Սեբաստիա քաղաքը մինչև համաշխարհային առաջին պատերազմը (1914—1918 թթ) թեև որոշ փոփոխություն էր կրել, բայց հիմնականում իր հին տեսքը չէր փոխել: Գ. Սրվանձտյանցը, խոսելով Սեբաստիայի 19-րդ դարի 70-ական թվականների դրությամբ մասին, գրում է. Սեաստու քաղաքը անշուք մի տեսք ունի, շինված է մի հովտի մեջ, անծառ և անայգի: Քաղաքի փողոցները քարահատակ չունեն, շուկաները և խաները տեղ են շինված, ամբողջովին կավակերտ, թեպետ ներքուստ բավական շքեղությամբ: Քաղաքը թեև ջրով առատ է, ինչպես առուններով, նույնպես և աղբյուրներով (համարյա տուն չկա, որ իր բակում աղբյուր չունենա), սակայն տեղ-տեղ լճացած ու նեխած ջրերի և աղբերի ապակալություն հետևանքով, փողոցները ժանտահոտություն են բուրում:

Ինչ վերաբերում է Սեբաստիա քաղաքի բնակչության, հատկապես հայ ազգաբնակչության թվին, դարերի ընթացքում այն մեծ փոփոխությունների է ենթարկվել: Այսպես, օրինակ, 11-րդ դարի առաջին բաղդադյան Վասպուրականից Արծրունիների գաղթից հետո քաղաքի բնակչության տիրող մեծամասնությունը կազմում են հայերը: Հետագայում, 15-րդ դարի սկզբին, լենկթեմուրի ջարդերի հետևանքով, հատկապես Սեբաստիայում, հայերի թիվը զգալիորեն նվազում է, այնպես որ մինչև 19-րդ դարի կեսերը Սեբաստիա քաղաքի ամբողջ բնակչությունը հաշվվում էր 16 հազար: 19-րդ դարի վերջերին, կապիտալիստական հարաբերությունների զարգացման հետևանքով, երբ սկսվում է գյուղական բնակչության հոսքը դեպի քաղաք, Սեբաստիա քաղաքի բնակչության ընդհանուր թիվը, արդեն համաշխարհային առաջին պատերազմի նախօրյակին, հասնում է մոտ 60 հազարի, որի կեսից ավելին կազմում էր հայ ազգաբնակչությունը: Այսպիսով, Սեբաստիան հանդի-

սանում էր Գամիրքի հայաշատ քաղաքներից առաջինը:

Հայերը բնակվում էին քաղաքի հետևյալ թաղերում (որոնց մի մասը թրքախառն էր, իսկ մեծ մասը զուտ հայկական). Կյուլյուկ Պենկիլեր կամ Աղ-Տեկիրման (Սպիտակ ջրաղաց) թաղ, Պյոյուկ Պենկիլեր կամ Պալադ-Սոգադ, Պեգիրճյուն արտ, Հոդգար և նրա առջևի Արտի նոր թաղեր, Փաշապարտեզ, Պարուրի արտ, Քոսե-դերե, Տավրան-Պահիր, Ղասրպների (մսագործներ) թաղ, Պեկմեզ-սոխախ, Պեմենց թաղ, Բանտի ետևի թաղ, Գայսերի դուռ, Աճե մահլե, Զավալ-Փաշա, Սրբ, Սարգիսի ժամուն թաղեր, Քարոտ-սոխախ, Ծածուկ-աղբյուր, Սրբ, Փրկչա թաղ, Ղանլը-պախչե, Հասանլը, Թայքսենց և Հին փողի բազնից թաղեր, Մայր եկեղեցու թաղ, Խենտեկ-Քենար, Ղուրշունլու Բաղնից և Ճիվան, Ծակե թաղեր, Հայ-թաղ, Դարբնոցի ետև, Սարըշեյա, Պալտըր-Բազար, Սև հողեր:

Վերոհիշյալ 33 թաղերում հայերի թիվը կազմում էր 5800 տնտեսություն, մոտ 36 հազար անձով, որոնք 1915 թ. արևմտահայերի տարագրության ընթացքում (հունիս 22 մինչև հուլիս 5) թուրք կառավարության կողմից տեղահանվեցին դեպի Դեր-Զորի (Սիրիա) անապատները: Նրանց մեծագույն մասը տարագրության ճանապարհին ջարդերից, սովից, համաճարակներից մահացավ: 1946 թ. Սեբաստիա քաղաքում մնացել էր 250 տուն՝ 1250 անձով, իսկ վերջերս՝ 150 ընտանիք միայն:

Գամիրքի երկրորդ հայաշատ քաղաքն էր Կեսարիան (այժմյան Կայսերի կամ Ղայսերի): Արդի քաղաքը կառուցված է քարքարոտ մի դաշտավայրում: Ընթացիկ ժամանակներում մի դաշտավայրում եղել է լճաձառած մի լճի տեղը, Այդ հարթավայրը անմիջականորեն գտնվում է Արգեսոս (Իրճիս) լեռան ստորոտում, ծովի մակերեսից մոտ 1100 մետր բարձրության վրա:

² Տե՛ս Կ. Գաբրիելյան, Եղևնապատում, Պոսթոն, 1924:

³ «Անատոլիոյ հայությունը», «Հայաստանի կուլտուրա», Նյու-Յորք, 1946, էջ 201:

⁴ Տե՛ս զոկտ. Խանդավորի հոդվածաշարքը՝ «Ուղևորություն մի դեպի Թուրքիա», «Հայաստանի կուլտուրա», Նյու-Յորք, 1956, № 3—8:

⁵ Ա. Ալվոյանցյան, Պատմություն հայ Կեսարիո, Կահիրե, 1937, I հատոր, էջ 669:

¹ Գ. Սրվանձտյանց, Թորոս աղբար, մասն Ա., Կ. Պոլիս, 1979, էջ 137, 161, 171:

Արգենտա լեռան շրջանը հնագույն ժամանակներում կոչվել է Բուրուշհանգա⁶, որտեղ, ըստ հնագիտական տվյալների, դեռևս 3-րդ հազարամյակի կեսերից գոյություն է ունեցել ասորեստանյան առևտրական մի գաղութ⁷։ Հավանաբար այդ հնամենի առևտրական յաղութի վայրում, ըստ ավանդության, Արամի կողմից կառուցվել է հին Մաժարու Այնուամենայնիվ, պետք է նկատել, որ Մաժաբ քաղաքը Արգենտա լեռան սլեյի մոտ է եղել, քան արդի Կեսարիան։ Արդի քաղաքը գտնվում է Արգենտա լեռան հյուսիսային կողմում, երկու կիլոմետր հեռավորության վրա, որը կառուցվել է հոռմեացի Տիրերիոտ կայսեր կողմից և ի պատիվ Օգոստոս կայսեր, անվանվել է Կեսարիա։

Կեսարիան ենթակա է Արգենտի ստորոտի հարթավայրի բոլոր անդառնություններին, շտանալով այդ հարթավայրի առավելություններից որևէ դժգոհ օգուտ։ Օրինակ՝ բազմաթիվ ջրերի հոսանքային շունենալու հետևանքով, հյուսիս-արևմտյան կողմում կազմվել են մի շարք ճահիճներ ու լճակներ։ Այդ իսկ պատճառով, տեղի կլիման վատառողջ է։ Մյուս կողմից, Արգենտա դաշտավայրից 3000 մետր իր բարձրությամբ և իր հսկա վանդակածով փակելով բամբակների հոսանքը, տառապի միգրամած տենդային շոգի պատճառ է դառնում, իսկ ձմեռը՝ խոնավություն։

Բնակչության մեծ մասը ամառը բարձրանում է շրջակա այգիներն ու դյուղերը⁸։

Ինչպես վերևում ասվեց, Կեսարիան եղել է հայերի կազմավորման առաջին կենտրոններից մեկը, որտեղ դեռևս հին ժամանակներից սկսել են հայերեն խոսել։ «Արամ... հրաման տալ ընակչաց աշխարհին՝ ուսանել գիտես և զլեզուս հայկական. վասն որոյ մինչև ցայսօր ժամանակի անուանեն զկղիմայն զայն պոռտին Արմինիան, որ թարգմանի Առաջին Հայք»⁹։

Այսպես, ուրեմն, հայ ժողովրդի կազ-

մավորման դեռ առաջին շրջանում Կեսարիայում գոյացել է հայ ազգաբնակչություն. բայց վաղ միջնադարում, հատկապես քրիստոնեության առաջին դարերին, այն ձուլվել է հույների հետ։ Մեր օրերի Կեսարիայի հայ ազգաբնակչությունը հիմնականում կազմվել է Վասպուրականից, Անիից, Կարսից, ինչպես նաև Մանազկերտում հույների պարտությունից հետո, Բարձր Հայքից գաղթած հայերով։ Դեռևս մինչև 13-րդ դարի վերջերը, հայ ազգաբնակչության աչքի ընկնող դիրքի և հոծության մասին խոսում է նաև Մարկո Պոլոն, Հայերի թիվը, այնուամենայնիվ, Կեսարիայում և նրա գավառում իր նորմալ ձևով չի աճում։ Կեսարիայից որոշ թվով հայեր, հետագայում գաղթում են Կիլիկիայի առևտրական կենտրոնները, իսկ Կ. Պոլիսը թուրքերի կողմից գրավվելուց (1453 թ.) հետո՝ Կ. Պոլիս։ Մյուս կողմից, Լենկթեմուրի և ապա ջալալիների ասպատակությունների ժամանակ ջարդերի և բռնի իսլամացումների հետևանքով, հայերի թիվը Կեսարիայում թեև զգալիորեն նվազում է, սակայն 15-րդ դարի թուրք-պարսկական պատերազմների ժամանակ Համադանից գերեվարված արհեստավորներով նորից համալրվում է։ 18-րդ դարի (1730—1731) 30-ական թվականներին Օսմանյան պետության կողմից երբ հայկական որոշ գավառներ խլվում են պարսիկների ձեռքից, շատ հայ մեծատուններ Կեսարիա են գաղթում և զարկ են տալիս այս վերջինի առևտրին։ Ուստի, ինչպես շատ իրավացիորեն ասված է, 19-րդ դարի արևելյան շուկաներում կեսարահայերը 17-րդ դարի ջուղայեցիների տեղն են բռնում։

Կեսարիայում հայերի ամբողջ թիվը մինչև համաշխարհային առաջին պատերազմը 15—17-հազարից չէր անցնում, որոնք ընդհանրապես բնակվում էին քաղաքի հետևյալ թաղերում. 1. Քիչի Դարու, 2. Կյուրճյու, 3. Էմիր Սուլթան, 4. Սասրզ, 5. Հասինլի, 6. Շուտուրպան, 7. Պյոյուկ Օտուննու, 8. Օտուննու Կարապետ, 9. Ջրբլնճը, 10. Սոյաճը, 11. Բահչե, 12. Քոյերբան, 13. Սել-ալտը, 14. Հասան Ֆազը, 15. Թոթոզթոս, 16. Սընըճը, 17. Խարպութ, 18. Ֆարսախ, 19. Չազալըզ, 20. Գարա-Կաչի, 21. Թավուզճու, 22. Թավուզճու Բելիսի,

⁶ L. delaPorte, Les Hittites, Paris, 1936, էջ 30։

⁷ Dr. G. Contenau, Civilisation des Hittites et Millaniens, Paris, 1934, էջ 15—60։

⁸ Տե՛ս Ա. Ապալանյան, Պատմություն հայ Կեսարի, Կահիրե, 1937, հ. 1, էջ 673։

⁹ Մ. Խորենացի, Պատմություն հայոց, 1913, էջ 50։

23. Քերիկ, 24. Տատըր, 25. Տատըր-հարպութ:

Կեսարիան ընդամենը ուներ 114 թաղ, 12 հազար քարաշեն տներով, առանց տնամերձ պարտեզի, իրենց երկհարկանի շինություններով և խիտ դասավորությամբ¹⁰: Բնակչությունը կազմում էր մոտ 50 հազար, որից 17 հազարը՝ հայեր (15 հազարը հայ լուսավորչական, մնացածը կաթոլիկ և բողոքական), հույները՝ մոտ 2500¹¹, մնացածը թուրքեր էին: Իսկ Վիտալ Կինեի համաձայն, Կեսարիայի բնակչությունը բաղկացած էր 71 հազար անձից, որից 11 հազարը՝ հայեր, 14,400՝ հույներ, իսկ մնացածը՝ մահմեդականներ էին:

Համաշխարհային առաջին պատերազմի ժամանակ, ինչպես Արևմտյան Հայաստանի դավառների, նույնպես և Կեսարիայի հայերը տարագրվելով Սիրիայի անապատները՝ ջարդվեցին: Այժմ Կեսարիայում մնացել է ընդամենը 450 տուն հայ, բաղկացած 2250 շնչից¹²:

Գամիրքի հայաշատ քաղաքներից երրորդը՝ Կյուրունը կառուցված է հյուսիսից՝ հարավ երկարաձգված մի ծառախիտ հովտում՝ Թոհմա-սու (Մելաս գետ) թափվող գետակների ափերին: Կյուրուն անունը ենթադրվում է առաջացած լինի թուրքերեն «Բյուրուն» բառից, որը նշանակում է ավազան: 15-րդ դարի թուրքերեն հիշատակությունների մեջ Կյուրին քաղաքը «Ին-ոնյու» է կոչվում, այսինքն՝ «Քարանձավի առաջ»: Թուրքերը Կյուրինը «Ին-ոնյու» են կոչել հավանաբար նրա համար, որ քաղաքը կառուցվել է քարայրների առաջ: Անցյալում այդ քարայրները կյուրինցիներին ծառայելով որպես բնակարան, նրանց կողմից էլ կոչվել է Կուռնատուն (Կյուրինի տուն): Կարծիք կա նաև այն մասին, որ Վասպուրականի հայերի կողմից Կորյուն-ի անվամբ կառուցված քաղաքը հետագայում հնչյունական այլադրությամբ դարձել է Կյուրին: Բայց այս բոլորը մեր կարծիքով, տարակուսելի է, քանի որ այս մասին գրավոր տվյալներ չկան: Մենք հակամետ ենք

ընդունելու որոշ գիտնականների այն կարծիքը, թե Կյուրունը պտղոմեոսյան շրջանի Լուրաենայի աղավաղված ձևն է¹³: Քաղաքն ուներ հետևյալ զլխավոր թաղերը. Շուղուլ, Օրեն կամ էրան, Տարեր, Սմկընա, Չերշի-Կոր, Խոնավ բլուր (յաշ թեփե), Աշուր (արդյոք չի հիշեցնում Ասուրը), Սև-բլուր (Գաբա թեփե) Ֆերման Մահլե, Սաղ. Քեթեն-շալըր, Խաս-բաղ, Չախ-ձոր, Ըստ ոմանց՝ չաղացքի ձոր): Այդ թաղերը կառուցված են իրարից 5-ից մինչև 20 բոպե հեռավորության վրա, որի պատճառով քաղաքի մեկ ծայրից մյուսը, այսինքն՝ Շուղուլի ծովից մինչև Չախձորի Ակը տեսնում է մոտ երկուս և կես ժամ: Գլխավորապես հայերը ապրում էին հետևյալ թաղերում՝ Չախ-ձոր՝ կամ Չախ-ձոր՝ 400 տուն, Սև-բլուր (Գաբա-թեփե)՝ 300 տուն, Խաս-Բաղ՝ 200, Շուղուլ՝ 200, Որեն կամ էրան՝ 250, Սմկընա՝ 28, Չերշիկոր և Խոնավ Բլուր (Յաշ-թեփե) երկուսը միասին՝ 40 տուն¹⁴: Թուրքերը զխավորապես բնակվում էին Տարեր և Աշուր թաղերում: Կային նաև հայերի հետ խառն թաղեր:

Քսաներորդ դարի սկզբին Կյուրինի ընդհանուր բնակչության թիվը հաշվվում էր երեք հազար տուն, որի երկու հազարը հայ: Սակայն մենք ենթադրում ենք, որ գալստապահանքված է: Նախ որ հայ բնակչության տների թիվը, ըստ տեղի առաջնորդարանի հաղորդած վիճակագրական տվյալների (Բնաշխարհիկ բառարանում), 1550-ից չէր անցնում: Երկրորդ, պետք է նկատի ունենալ այն հանգամանքը, որ Կյուրինի թաղերը ձորերով, բլուրներով, նույնիսկ գետերով անջատված լինելով, մեծ տարածություն են բռնում: Օրինակ, Սև բլուրը (Գաբա-թեփե) Աշուրից բաժանված է գետով, իսկ տները ի տարբերություն Կեսարիայի և Սերտստիայի շենքերի, իրարից բավականին անջատ են: Եւրաքանչյուր տուն կառուցված է առանձին, շրջապատված ընդարձակ սլարտեզներով, հետևաբար ենթադրվում է, որ տների թվական չափադանցությունը հետեւյալն է քաղաքի տեղիտղիալ մեծությունը: Համաշխարհային առաջին պատերազմի ընթացքում՝ հայերը տարագրվել և ջարդվել

¹⁰ Տե՛ս Ե. Լուկասյան, «Բիւզանդիոն», Կ. Պոլս, № 2087:

¹¹ Հ. Էփրիկյան, Բնաշխարհիկ բառարան, Վենետիկ, 1903—1905:

¹² Անատոլի հայությունը, «Հայաստանի կոչնակ», 1946, սեպտեմբեր ամիս, էջ 901:

¹³ N. Adontz, Histoire d'Arménie, Paris, 1946, էջ 41, 316:

¹⁴ Հ. Էփրիկյան, Բնաշխարհիկ բառարան, տե՛ս Կյուրինը:

են, նրանց աները ավերվել Այծմ Կյուրյունում հայեր բոլորովին չեն մնացել:

Արարկիրը կառուցված է 11-րդ (1021 թ.) դարում, Վասպուրականի Արծրունյաց՝ Վասպուրականի գաղթականությանց կողմից (Արորակա կամ Արաբրակրնուա (Arautaca, Arahakenoi) կոչված մի հին վայրի մոտակայքում, Մալաթիայից 55 կիլոմետր դեպի հյուսիս՝ Եփրատի աջ ափին, դեռից 25 կիլոմետր հեռու: Այդ հին բազալը կոչվում է Անդի-բաղաբ, որը հետագայում կառուցված Արարկիրի մի արվարձանն է կազմում, որտեղ բնակվում են թուրքերը:

Արարկիր անվան ծագումը տեղացիները բացատրում են ավանի մեջտեղից հոսող գետակի՝ Ժամու-չալի եղրին կառուցված լինելու հանդամանքով՝ Առու-ափ-կերտ (այսինքն՝ առվի ափին կառուցված): Մ. Նաթանյանը այդ անվան առաջացումը բացատրում է այլ կերպ՝ թարբ և կերտ: Այս երկու բացատրությունն էլ բռնազբոսիկ են և հիմնավորված չեն: Մեր կարծիքով, դա մի հին հռոմեական բերդաքաղաքի՝ Արաբրակնուայի անվան աղավաղված ձևն է, որտեղ այդ անունով դրամ է կտրվել հռոմեացիների կողմից¹⁶:

Արարկիրը Անտիաավրոսի ստորոտում, մի բլուրի լանջին, զեղեցիկ և բարձր դիրք ունի: Տները քարակերտ են, կառուցված ամֆիթատրոնաձև և դասավորված սանդխանման կարգ-կարգ, պարտեզներով շրջապատված: Տների հատակները մեծ մասամբ սրբատաշ քարերով սալահատակված կամ տախտակամած էին: Տների համար սովորական էին տափարակ տանիքները, որոնց վրա զարբն կամ կապոտ հոռ կոչված կավահողը լցնելով, լող քարով պնդացնում էին, միանգամայն ապահովելով կաթիլից ու խոնավությունից:

Արարկիրն ուներ հետևյալ թաղերը՝ Շահ-րուղ կամ Սըրակավուր, Սուփ Գիվերբ (սուրբ Գեորգ), Սուփ Նշան, Ժամու կամ Պզտի չարշուի թաղ, Չարսուի թաղ, Գազանճըլար, Բասմաճըլար, Պերենկե, Գարակող, Քեշիշ-լերի թաղ, Բոշի թաղ, Խոջա Ալի, Ալմասեբ-

լանց, Եկավենց, Տերպետերենց թաղ: Իսկ արևա արվարձան ուներ Հնձանակ, Ամպըր-լա, Ուլու-Բուղար (Մեծ աղբյուր) և Անդի բաղաբ ավանները:

Համաշխարհային առաջին պատերազմի նախօրյակին Արարկիրի ընդհանուր բնակչության թիվը հասնում էր մոտ 20 հազարի, որի կեսը հայեր էին, այժմ մնացել են 150 տուն, մոտ 600 շնչով¹⁷:

Ակնը կամ էգինը կառուցված է 11-րդ դարի 20-ական թվականներին, Վասպուրականի գաղթականների կողմից: Սակայն կանալայիսի ավանդություն, որ Ակնի արվարձաններից Ապուշխը կառուցվել է Վասպուրականի, իսկ Ակնը՝ Անիի հայերի կողմից: Ակնը դժվարամատչելի, բայց դեղա-աեսիլ մի բարձունքի վրա է, Արարկիրից 35 կիլոմետր դեպի հյուսիս, իսկ Տիվրիկից՝ 12: Քաղաքի ճիշտ ստորոտից անցնում է Եփրատը, արևելյան և արևմտյան կողմերում կան չափազանց նեղ և դժվարակիր կապաններ, իսկ հյուսիսային և հարավային կողմերում լեռները համարյա բացարձակ անանցանելի են: Այդպիսի վայրում բնակավայր հիմնելը, այդ ժամանակաշրջանի համար պաշտպանության տեսակետից անշուշտ մեծ նշանակություն պետք է ունենար:

Ակնի շրջակայքը նախկինում կոչվել է Մարնտունիկ: Այդ մասին օսմանյան հին փաստաթղթերում կա հիշատակություն: Մարնտունիկը, հետագայում Անիից, Կարսից եկած գաղթականներով մեծանալով, հասնում է մինչև Ակն կոչվող Քարանձավ դրոյակը: Այդ պատճառով այն վերանվանվում է Ակն¹⁸, որը աղավաղվելով թուրքերեն լեզվում, դառնում է էգին: Մարնտունիկի «Ակն» վերանվանումը պատահականություն չէ, քանի որ այդ վայրում կան բազմաթիվ ակնաղբյուրներ՝ Ակն ծով կամ Ակն ղով, Կաթն-աղբյուր, Իսնակ, Բերդի-աղբյուր, Խնկաձոր, Խնչպես նաև՝ Չոխ-մար (ճոխ մայր) և Գոշուն, որոնց ջրերը միանալով դարձնում են բազմաթիվ ալրաղացներ:

¹⁶ Անատոլի հայերը, ըստ «Հայաստանի Կոնստանդուպոլսի 1946 թ. Կեսարիայի Առաջնորդարանի կողմից տրված տեղեկագրի: Սակայն այդ թվականից հետո մեծ մասամբ զաղթել են դեպի Սիրիա: Այժմ հին Արարկիրում մնացել են 150—200 հայ:


¹⁷ Հմմտ. 9. Կ. Ճաֆելյան, Հնութիւնք Ակնա, Թիֆլիս, 1895, էջ 14: Ա. Քեչյան, Ակն և Ակնեցիներ, հատոր Ա, տպ. Պուրբեշ, 1942, էջ 12—13:

¹⁸ Տե՛ս Մուշեղ Սեփրյան, Արարկիրի մասին, ասորիներ, «Ոսկեգիտակ», Պիյուրթ, 1945, էջ 54, և Laurents J., L'Arménie entre Byzance et l'Islam depuis la conquête arabe jusqu'en, Paris, 1919, էջ 886:

Ակնա տները երկհարկ են և մասամբ նաև եռհարկ. վերին հարկերը՝ էշվանները. ընդհանրապես փայտաշեն են, իսկ ստորին հարկերը՝ քարաշեն: Քաղաքի վերի և Տաշ-

տաղայում. հատկապես 17-րդ դարի ընթացքում, ջալալիների հաճախակի ասպատակությունների հետևանքով, ինչպես քաղաքի, այնպես և գյուղերի բնակիչների մեծ

ԱԿՆ ԶԱՂԱՔԸ ԵՎ ՇՐՋԱԿԱՆԵՐԸ



Նկ. 5.

տիրի թաղերի տները, ընդհանուր լանջին այնպես են կառուցված, որ մեկի տանիքը ծառայում է որպես ճանապարհ կամ հրապարակ մյուսի համար: Այդպիսով շրջապատված տները ընդհանուր լանջին, մի սրանջիկ տեսարան են ներկայացնում, որն իր արտահայտությունը գտել է ժողովրդական բանավոր ստեղծագործության մեջ¹⁰:

Միջնադարում Ակն իր շրջակա 27 գյուղերով, ինչպես տեսանք, մի մեծ հայկական կենտրոն էր ներկայացնում: Սակայն հե-

մասը դադարում են, իսկ մնացող գյուղերը, Լերեմն ամրոցովին, բոնի իսլամացվում են: Այնպես որ 19-րդ դարի 80-ական թվականներին Ակնի հայ բնակչության ընդհանուր թիվը հաշվվում էր ոչ ավելի քան 5442 (թուրքերինը՝ 4286), բայց համաշխարհային առաջին ոլորտերադմի նախօրյակին, հայ բնակչությունը առնվազն կրկնապատկվել է: Իհարկում փոխարեն, մնացել էր նախորդի մեկ հինգերորդը (հազարից ավելի), իսկ այժմ միայն 30 տուն է, 150 շնչով:

Կեմերեկ (Գամրակ) հայաշատ ավտեր, ավելի չիշտ՝ գյուղաքաղաք, գտնվում է Սևրաստիայի հարավ-արևմտյան կողմում, 90 կիլոմետր հեռավորության վրա: Նա կառուցված է լայն բացված երկու ընկերների

¹⁰ 1895 թ. թուրքական սուլթան Համիդի կողմից կազմակերպված ջարդերի ժամանակ Ակնը մասամբ ավերվել էր, այդ առթիվ աշուղները երգ են հյուսել: Էկիներ ավերակ է դարձել: Բլուրը չի երգում:

միջև մի ընդարձակ հովտի բերանին: Ավանի առջև՝ դեպի արևելք, տարածվում է Զիրի-Յադրյի (Հահնոտ դաշտ) և Զբուխի հարթավայրը, շրջապատված Սելջուկ, Շեմեն, Կովարխաշ և Գարատեղ լեռներով: Արևմտյան կողմում, Կեսարիա տանող ճանապարհի վրա, Սար-օղյան հայաբնակ պոլոն է: Հարավային սահմանում տարածվում են ինձորի (ինձրի) լեռները, որոնք կաղմում են Անտիտավրոսի շարունակությունը, իսկ հյուսիսից ավանի հողերը հասնում են մինչև Հալիս գետը, որը գտնվում է Կեմերեկից՝ 3 կիլոմետր հեռավորության վրա:

Կեմերեկ անվան ծաղումը, ինչպես ասվեց հախորդ պիսում, առաջացել է Գամիրք րաոի տառադարձումից: Թ. Գուշակյանը այդ մասին պրում է, որ Կամարակ անունը, որը երբեմն դործ են ածել հայոց լեզվի ուսուցիչները, հայաշրջման ձախող մի փորձ է, անշուշտ, և որ այն ժամանակ էլ ընդունելություն չէր գտել:

Կեմերեկն ուներ յոթը թաղ, բայց ժողովուրդն ըստ ավանի դիրքի, այն բաժանում էր երկու մասի, բարձրադիր թաղերը միասնական անունով անվանվում էր Վերի թաղ, ձորաբերանի թաղերը՝ Վարի թաղ: Վերի մասը տարածվում էր Բերդ (ղալե) և Բըլուր թաղերը, որտեղ աները դասավորված էին ըստ այդ երկու բլուրների բնական գիրքի, այնպես որ մեկի տանիքը մյուսի համար ծառայում էր ճանապարհ կամ հրապարակ, իսկ սովանի վարի մասում կար չորս թաղ՝ Թեֆե, Էվլիա, Շուկա և Ռուս, որտեղ աները կառուցված էին ձորաբերանի համեմատաբար տափարակ վայրում:

Ավանի ընդհանուր բնակչության թվի մասին թեև կան մեկից ավելի տվյալներ, բայց Սևրաստիայի հայոց առաջնորդարանի 1913 թ. տվյալներով, որ համարում ենք ավելի ճիշտ, ունեցել է ընդամենը 1252 տուն, որից 902-ը հայ և 350 թուրք¹⁹, Համաշխարհային առաջին պատերազմի ընթացքում՝ հայերի տեղահանության և ջարդերի հետևանքով, Կեմերեկում մնացել էր 40 տուն հայ, 245 շնչով²⁰:

¹⁹ Թ. Գուշակյան, Խամբու վերհիշումներ, «Բյուզանդիստ», Կ. Պոլիս, 1914, փետր. 10/23:

²⁰ «Անատոլիի հայերը», «Հայաստանի կոչնակ», Նյու-Յորք, 1946, սեպտ. ամիս:

Տիվրիկ կամ Տիվրեկե գյուղաքաղաքը կառուցված է շրջանաձև, բարձր լեռներով պատսպարված մի հովտի մեջ, այնպիսի մի վայրում, որտեղ վերջանում է Տավրոսը և սկսվում են Անտիտավրոսյան լեռները: Այդ վայրում դեռևս հնագույն ժամանակներից եղել է բերդ, որը պավլիկյանների կողմից 9-րդ դարի երկրորդ կեսերին գրավվելով, դառնում է նրանց հիմնական կենտրոնը: Ինչպիսի մեջտեղից հոսող Զալթա-չայ վտակը քաղաքը բաժանում է երկու գլխավոր մասի: Ձորակի արևելյան կողմը գտնվում է միջնաբերդը, կառուցված մի րարձր բլուրի Բեի վրա և իր շրջակա տներով կաղմում է Բերդաթաղը, այսինքն՝ հին քաղաքը: Նրանից ոչ շատ հեռու, ձորակի մյուս կողմում, գտնվում է նոր թաղամասը՝ Այգեթաղը: Կան նաև հոթեվանքի, Սուրբ Նդիալի, Ճիկիրշանի և Սուրբ Սարգսի թաղերը:

Հայերը դեռ պավլիկյանների ժամանակից սկսած բնակվել են Բերդաթաղում, որոնց թիվը, ըստ Ա. Աղեքսանդրյանի, եղել է երկու հազար տուն²¹, Հետադայում մնացել էր հարյուր տուն միայն, և այդ պակասումը հավանաբար սկսվել է 9-րդ դարի երկրորդ կեսերին՝ պավլիկյանների կրած կոտորածների և նրանց մեծ մասի Թրակիա գաղթեցնելու հետևանքով: Համաշխարհային առաջին պատերազմի նախօրյակին տեղի հայ բնակչության թիվը հաշվվում էր չորս հազար, իսկ թուրքերին՝ կրկնապատիկը, որով Տիվրիկի բնակչության ընդհանուր թիվը մոտ 12 հազար էր: 1946 թվականին Կեսարիայի առաջնորդարանի կողմից Թուրքիայում մնացած հայերի մասին տրված տեղեկության մեջ Տիվրեկում հայեր լինելու մասին թեև հիշատակություն չկա, բայց 1955 թվականին դոկտ. Խանդամուրրի «Ամերիկայից դեպի Թուրքիա» ուղեղրության մեջ գրում է, որ այնտեղ մնացել է ընդամենը հինգ հայ ընտանիք²²:

Դարանդա կամ Տարենտե գյուղաքաղաքը գտնվում է Կյուրյունի հարավ-արևելյան կողմում, Թոհմա-սու (Մեկաս գետ) թափվող գետակներից՝ Պալրգլը-սուի (Ձկնուտ ջուր) ափին, արևելքից՝ Ալի-Դերեի, արևմուտքից՝ Հացեկ լեռանց միջև: Ավանը շրբ-

²¹ Ա. Աղեքսանդրյան, Պատմություն ականավոր քաղաքին Սևրաստիո, Վենետիկ, 1911:

²² Տե՛ս «Հայաստանի կոչնակ», 1956, 3—8 համարները, դոկտ. Խանդամուրի հոգովածները:

ապատված է մրգատու պարտեզներով: Բնակչության մեծամասնությունը թուրքեր են, հայերը հաշվվում էին նախքան համաշխարհային առաջին պատերազմը՝ 310 տուն, 1700 շնչով, որոնք բնակվում էին Հացեկ լեռան ստորոտում ընկած հինգ թաղերում՝ Էկեղեցու թաղում երկու հարյուր (200) տուն, Գալարբուի թաղում՝ 40, Հայու-գոգ թաղում՝ 70, Ենի-մահլեում՝ 20, Հագիր թաղում՝ 30 տուն:

Այստեղ տեղին է նշել մի հանգամանք, որ Գամիրբում հայկական բնակավայրի տեղագրությունը խոսում է այն մասին, որ միջնադարում Հայաստանի ներքին գավառներից գաղթող հայերը, բացի արդեն գոյություն ունեցող քաղաքներից, բնակություն են հաստատել նաև այնպիսի վայրերում, որոնք ինքնապաշտպանության համար առավել հարմարություն էին ներկայացնում:

Այսպես, ուրեմն, 11—12-րդ դարերում Գամիրբը ներկայացնում էր հայկական կոմպակտ մի երկրամաս, ու հետագայում թուրքական ասիմիլյատորները բռնի միջոցներով թեև ջանացել են մաշել հայերին, բայց մինչև համաշխարհային առաջին պատերազմը նրանք իրենց ազգային գեմբը չէին կորցրել: Օրինակ, թուրքական կառավարությունը թեև քաղաքական որոշ նկատառումներով Ակնի և Արարկիրը խարբերողի վիլայեթի վարչական ռաժանմունքի մեջ էր անցկացրել, սակայն այդ շրջանի հայերը իրենց նիստ ու կացով, սովորություններով հիմնականում մասն են կազմում Գամիրբի հայ ազգաբնակչության, քանի որ նրանք պատկանում էին Վասպուրականի և Անիի միևնույն գաղթականությանը:

Ակնի և Արարկիրի շրջակա հայ գյուղերը նույնպես կալվել են վերահիշյալ ղաղթականության հետագա սերունդներից, որոնց մի մեծ մասը թեև բռնի իսլամացվել է, բայց մինչև առաջին համաշխարհային պատերազմը դեռևս հայեր կային Արարկիրի շրջակա հետևյալ գյուղերում՝ Անջրդի, Սաղմկա, Մաշկերտ, Մագ, Շեփիկ, Քուշնա, էհնեցի (Անեցիք), Վաղշեն, Աղն, Աշոտկա, Միատուն:

Համաշխարհային առաջին պատերազմի

22 Ա. Աղեխանյան, Պատմություն ականավոր քաղաքին Սևաստիո, Վենետիկ, 1911.

նախօրյակին Ակնի և Արարկիրի ու նրանց շրջակա գյուղերի հայ բնակչության թիվը հաշվվում էր ավելի քան քսան հազար. յոթ հազար Ակնում, տաս հազար Արարկիրում և երեք հազարից ավելի շրջակա գյուղերում:

Գամիրբում, բացի հայերից և թուրքերից, կային նաև հույներ. շերքեզներ²⁴, թուրքմեններ, քրդեր. ավաղներ և այլն: Այսպիսով Գամիրբը ընդգրկում է Սևաստիա գավառի յոթ գավառականների (գազա) 97 գյուղախմբի շրջկենտրոնները. ինչպես նաև Կեսարիան իր շրջակայքով: Կեսարիայի և շրջանի գյուղերում, նախքան առաջին համաշխարհային պատերազմը, հայ ազգաբնակչությունը հաշվվում էր մոտ 37 հազար:

Որպես եզրափակում պետք է ասել, որ պատմական Գամիրբը Սևաստիայի 9 գավառականներից (գազա) իր մեջ ընդգրկելով 7-ը, կազմում էր մոտավորապես 30 հազար քառ. կիլոմետր մի տարածություն, իսկ հիշյալ վիլայեթի ընդհանուր բնակչության թիվը 1890 թ., ըստ Վիդալիների, ընդամենը կազմում էր 547,015, որից թուրք, թուրքմեն և շերքեզներ՝ 300,810, գրգրլաշներ և այլ մահմեդականներ՝ 150,868, հայեր՝ 63,404 հույներ՝ 31,933:

Այս պայմաններում գամիրբահայերի մոտավոր թիվը ունենալու համար ավելորդ չի լինի ստորև քննության առնել Սևաստիայի կուսակալության բնակչության մասին հետևյալ չորս վիճակագրական ցուցանիշները:

1. Սևաստիայի կուսակալության չորս գավառների (Սվաղ, Թորաս, Եվդոկիա), Ամասիա, Շաղիխգարահիսար) հայերի ընդհանուր թիվը, ըստ Սալնամեի, 1890 թ. կազմում էր 170, 773:

Թուրքերինը. թուրքմեններինը՝ (սյունի մահմեդականներ) . . . 559,600

Ղրղրլաշներինը և չիա մահմեդականներինը՝ . . . 279,834

Հույներինը և հրեաներինը՝ . 76,068

2. Համաձայն Կոստանդնուպոլսի պատրիարքարանի վիճակագրության, 1912 թ. բնակչության կազմը եղել է՝

Հայեր 165,000

²⁴ 1860-ական թվականներին Կովկասից Թուրքիա ղաղթած շերքեզ ցեղերի (ղարարզա, հաթիու, արազա, նոդայ և շեշեն) մի մասը տեղավորվեց Գամիրբի Ուզուն յալա կոչված լեռնադաշտում:

Թուրքեր	192,000
չերքեսներ	45,000
բուրգեր (նստակյաց)	35,000
բուրգեր (բուշուր)	15,000
հույներ	30,000
նևստորականներ, խալդեր և հակոր- յաններ	25,000

3. Բանասեր ուսուցիչ Կարապետ Գաբրի-
յանը իր սեփական պրպտումների վրա
հիմնված, սերաստիացի հայերի ընդհանուր
թիվը ներկայացնում է իր «Եղեղնասպառում»
աշխատության մեջ 350,000

Հույներին 47,000

Թուրք, բուրգ, չեչեն, զղլալաշ
և այլն 503,000

4. Սերաստիայի առաջնորդարանը, նախ-
քան առաջին համաշխարհային պատերազ-
մը, Միհրտն Զուղասուրյանի միջոցով կազ-
մած նահանգային վիճակագրության մեջ
սերաստահայերի ընդհանուր թիվը ներկա-
յացնում է 262,000

Թուրքերին 190,000

զղլուլալաներին 125,000

հույներին 45,000

չերքեսներին 45,000

բուրգերին 50,000

խալդեր, նևստորականներ, ավշարներ
և չեչեններ 30,000

Ընդամենը՝ 747,000

Վերոհիշյալ չորս վիճակագրական ցու-
ցակներից ամենահավանականը ընդունում
ենք Սերաստիայի առաջնորդարանի նահան-
գային վիճակագրական ցուցակը, ըստ որի
հայերի թիվը Սերաստիայի ամբողջ նա-
հանգում, այսինքն՝ չորս գավառներում
262,000 է. սա ունի մի քանի տաճարներ.

1) 1895 թ. ջարդը, քրդական «Համիդիե
այաների», չերքեսների հնչումների հետե-
վանքով արատվտոթը զեպի Ամերիկա
(ԱՄՆ) մինչև համաշխարհային առաջին
պատերազմը ստացած չէին այնպիսի մի
համատարած կերպարանք, որ Սերաստիա-
յի նահանգում հայերի թիվը, երեսուն տար-
վա ընթացքում 262 հազարից իջնել 165
հազարի:

2) Հարկային և այլ պատճառներով, ինչ-
պես հայտնի է, հայերը իրենց ընտանիքի
անդամների թիվը միշտ նվազ էին ցույց
տալիս թուրքական կառավարությանը:

3) Օսմանյան պետության քաղաքական

շահերն էլ այնպես էին պահանջում, որ
հայերի ընդհանուր թիվը, Հայաստանի վեց
նահանգներում նվազ ցույց տրվելու Այս և
նման ուրիշ մի շարք պատճառներով պետք
է ընդունել, որ 262,000 թիվը մոտավորա-
պես ճիշտ է Սվադի հայ բնակչության
համար. որով և Սերաստիա նահանգի հա-
յերի ընդհանուր թիվը բարձրանում է մոտ
մի հարյուր հազարով: Եթե հիշյալ թիվը
բաժանելու լինենք Սերաստիայի կուսակա-
լության չորս գավառների տարածության
վրա, ստացվում է հետևյալ պատկերը:

Սերաստիայի (Սվադ) նահանգի ընդհա-
նուր տարածությունն էր 83,700 քառ. կիլո-
մետր, իսկ միայն Սերաստիայի կենտրոնա-
կան գավառի (սանձագ) տարածությունն է
39,450 քառ. կիլոմետր, այսինքն՝ նահանգի
ընդհանուր տարածության կեսից քիչ պա-
կաս: Այս գեպում Սերաստիայի գավառի
(սանձագ) հայության թիվը բարձրանում է
մոտ 45 հազարով:

Սերաստիայի ինը գավառակների հա-
յության ընդհանուր թիվը, ըստ 1890 թվի
Սալնամեի, կազմում էր 63,404 մարդ, ավե-
լացրած 45 հազար, հավասար է 108,404-ի:
Արդ, Գամիրքը, ընդգրկելով Սերաստիայի
ինը գավառներից 7-ը, այսինքն՝ ինը գա-
վառակների 123 գյուղախմբերի կենտրոնե-
րից 97-ը, կազմում է Սերաստիա գավառի
ընդհանուր տարածության չորս հինգերորդը:
Այդպիսով, Գամիրքի չորս հինգերորդի սահ-
մաններում, նախքան համաշխարհային ա-
ռաջին պատերազմը, բնակվում էին մոտ 86
հազար հայեր, իսկ Գամիրքի մեկ հինգե-
րորդ մասը, որն իր մեջ ընդգրկում էր Կեսա-
րիան իր շրջակայքով, ինչպես նաև Ակնը և
Արարիկի իրենց շրջակա գյուղերով, ունե-
ր՝ ավելի քան 57 հազար հայ ազգաբնակչու-
թյուն: Հետևաբար Կապադոկիայի Գամիրք
գավառում, մինչև առաջին համաշխարհա-
յին պատերազմը ընդամենը բնակվում էին
ավելի քան 143 հազ. հայեր: Եվ այժմ, ըստ
Կեսարիայի հայոց առաջնորդարանի 1946 թ.
վիճակագրական տվյալների և վերջին տե-
ղեկությունների, Գամիրքում ընդամենը մը-
նացել են մոտ 11,500 անձ, որոնք մեծ մա-
սամբ բնակվում են Սերաստիա, Կեսարիա,
Արարիկի, Տիվրիկ քաղաքներում:

²⁵ Հմմտ. Վ. Համբարձումյան, Գիւղաշխարհ,
Փարիզ, 1927:

Անատոլուում ընդհանրապես և մասնավորապես Գամիրբում, մնացած հայերի մասին ահա թե ինչ է գրում Կեսարիայի առաջնորդը՝ «Ծրբեմնի հայաշատ գավառների հայությունը այսօր աստ ու անդ ապրում է թափառական աննպատակ մի կյանք: Անատոլուի մեն մի գյուղի մեջ կա մի հայ ընտանիք, որ զրկված է մայրենի լեզվից, ինչպես նաև տոհմային նիստ ու կացից: Շատերը երկու անունով են կոչվում, այսինքն՝ հայ և թուրքական: Եվ տքնաջան աշխատությամբ իրենց օրապահիկն են հայթայթում: Հայը թեև աղքատ է, բայց չի մոռում: Նա հարմարվելով միջավայրի պայմաններին, ապրում է այնպես, ինչպես իր դրացի գյուղացին: Ծրբեմն քաղաքս այցելում են հայեր, որոնք բոլորովին անտեղյակ են կրոնական ուրեք պաշտամունքից և արարողությունից, ոմանք խաչակրներն ու յույնիսկ չեն գիտեր: Ծրբեմն շափահասներ, յույնիսկ զավակների տեր ծնողներ, իրենց փոքրիկների հետ մկրտվում են:

20 Մանրամասն ցուցակը տե՛ս հավելվածում:

Այսօր Անատոլուի ամենահայաշատ կենտրոնն է Կեսարիան. որտեղ բնակվում են ավելի քան 450 ընտանիք. որոնք 53 գյուղերից եկած և հաստատված են քաղաքիս մեջ. լոկ մի ապրուստի համար, սրանց մեծամասնությունը որպես բանվոր աշխատում են հարևան գյուղացիների արտերում և ապուխտի գործարաններում: Սրանց կիներն էլ համառ աշխատությամբ նեցուկ են լինում իրենց այրերին, որոնք հազիվ ապրում են, և աղքատ բնակարանների մեջ բնակվելով, հիվանդկախ մի վիճակ ունենալ:

Այն ահավոր ոճիրը, որն իրագործվեց հայ ժողովրդի նկատմամբ, համաշխարհային առաջին պատերազմի ժամանակ շովեն ժոն-թուրքերի կողմից, ավելի վառ արտահայտելու համար հավելվածում տրվում են մինչ այդ Գամիրբի հայաբնակ շրջաններում և գյուղերում եղած բնակչության թվերը, ինչպես նաև այժմյան թվերը:

²⁷ Հայկազուն Ա. Բաև. Կառապետյան, «Հայաստանի կոշնակ», Նյու-Յորք, 1946, սեպտեմբեր 21, № 38: